



# Cedar

Canolfan Ymchwil Technoleg Gofal Iechyd

## Canolfan Ymchwil Technoleg Gofal Iechyd Cedar Bwletin Chwarterol

*Mae Cedar wedi ymrwymo i gefnogi gofal claf-ganolog sy'n seiliedig ar dystiolaeth, trwy ymchwil a gwerthuso ymyriadau iechyd, technolegau a gwasanaethau'r GIG.*

Medi 2022, Rhifyn 1 (**agoriadol**)

### YN Y RHIFYN HWN

#### Amdanom ni

Deall pwy ydym ni a beth rydym yn ei wneud

#### Newyddion Cedar

Uchafbwyntiau diweddar gan y tîm

#### Uchafbwyntiau'r Prosiect

Darganfyddwch pa brosiectau sydd wedi camu ymlaen yn Cedar y chwarter hwn

#### Arddangosfa Ffrwd Gwaith

Dysgwch am un o'r meysydd arbenigedd niferus o fewn Cedar

#### Sbotolau Staff

Dewch i adnabod un o dîm aml-dalentog Cedar gyda sesiwn holi ac ateb

### Amdanom ni

Mae Cedar yn ganolfan ymchwil GIG-academaidd o fewn BIP Caerdydd a'r Fro wedi'i staffio gan ymchwilwyr profiadol ac amlddisgyblaethol. Mae ein meysydd arbenigedd yn cynnwys: ymchwil, gwerthuso, economeg iechyd, ac adolygiadau tystiolaeth. Rydym yn gweithio'n agos gyda thimau clinigol i ddatblygu a chyflwyno astudiaethau a gwerthusiadau. Rydym hefyd yn darparu gwasanaethau i NICE, Comisiynu Gwasanaethau Iechyd Arbenigol Cymru, Canolfan Gwerth mewn Iechyd Cymru, a Llywodraeth Cymru.



### Newyddion Cedar

- ◆ Mae Cedar wedi tyfu'n aruthrol ers ei sefydlu ym 1977. Rydym yn ehangu ein swyddfa i roi lle i nifer o staff newydd sydd wedi ymuno â'r tîm yn ddiweddar.
- ◆ Rydym yn falch iawn o dderbyn contract arall gyda NICE, yn un o ddim ond tri Grŵp Asesu Allanol yn y DU.
- ◆ Bydd Cedar yn cynnal Bore Coffi Macmillan yn y Medicentre i godi arian hanfodol i'r elusen. Dewch draw ar y **28<sup>ain</sup> o fis Medi**.
- ◆ Cedar yn cyhoeddi [gwerthusiad economaidd](#) o astudiaeth OBS Cymru
- ◆ [British Journal of Surgery](#) yn cyhoeddi canfyddiadau treial HART

Cysylltwch â ni: [uhw.cedar@wales.nhs.uk](mailto:uhw.cedar@wales.nhs.uk)  
<https://cedar.nhs.wales/> / <https://cedar.gig.cymru>



GIG  
CYMRU  
NHS  
WALES

Bwrdd Iechyd Prifysgol  
Caerdydd a'r Fro  
Cardiff and Vale  
University Health Board



# Cedar

Canolfan Ymchwil Technoleg Gofal Iechyd

## Uchafbwyntiau prosiectau



MOONDANCE  
CANCER INITIATIVE

### Moondance

[Menter Canser Moondance](#) (MCI) yn gweithio gyda'r GIG i gyflymu'r broses o fabwysiadu gwelliannau i wasanaethau canser ledled Cymru. Mae Cedar yn gweithio gyda MCI yn eu Rhaglen [Tuag at Ddyfodol heb Farwolaethau o Ganser y Coluddyn](#), i nodi cyfleoedd a chamau gweithredu ar gyfer gwella gofal canser y coluddyn. Gweithredodd Cedar arolygon i gasglu profiadau a blaenoriaethau gan gleifion canser y coluddyn, eu teuluoedd, a gofawyr. Cynhaliwyd grwpiau ffocws a chyfweiliadau hefyd i gasglu gwybodaeth fanylach, ac yna dadansoddiad thematig. Disgwylir i adroddiad Cedar gael ei gyhoeddi ddiwedd 2022.

### Covid



Mae'r rhaglen 'Adferiad' ar gyfer COVID Hir, a gyhoeddwyd gan [Lywodraeth Cymru ym mis Mehefin 2021](#), yn ariannu gwasanaethau adsefydlu a llwybrau cleifion i bobl â COVID-19 Hir.

Llywodraeth Cymru  
Welsh Government

Mae Cedar yn gwerthuso'r rhaglen gan ddefnyddio arolwg cenedlaethol o ddefnyddwyr gwasanaethau. Mae'r data'n cynnwys demograffeg, symptomau, canlyniadau a adroddir gan gleifion a mesurau profiad. Mae wedi'i grynhoi mewn tri adroddiad cenedlaethol, hyd yn hyn. Mae Cedar hefyd wedi cyflwyno astudiaethau achos cleifion ac adroddiadau â ffocws, gan gynnwys dadansoddiad enillion cymdeithasol ar fuddsoddiad. Mae adroddiad Cedar ar gael ar ein [gwefan](#).

### UroShield ar gyfer NICE

Mae Cedar yn Grŵp Asesu Allanol ar gyfer NICE. Yn y rôl hon, gwerthusodd Cedar dystiolaeth glinigol a chost dyfais uwchsaïn UroShield, a gynlluniwyd i leihau'r risg o heintiau llwybr wrinol sy'n gysylltiedig â chathetr. Cynhyrchodd tîm o ymchwilwyr yn Cedar Adroddiad Asesu i gyflwyno'r canfyddiadau. Penderfynodd pwyllgor NICE, er bod UroShield yn dangos addewid, bod angen mwy o ymchwil cyn mabwysiadu arferol yn y GIG. Gellir gweld yr argymhellion llawn yma: [Argymhellion UroShield NICE](#).

## Sbotolau Staff

Yn y rhifyn hwn o Sbotolau Staff, rydym yn siarad â Chyfarwyddwr Cedar, Dr Rhys Morris:

### Dywedwch ychydig wrthym amdanoch chi a'ch rôl

Rwy'n Wyddonydd Clinigol Ymgynghorol 47 oed, yn Ffisegydd Siartredig ac yn Beiriannydd Siartredig, ac rwyf wedi bod yn Gyfarwyddwr Cedar ers ychydig dros 2 flynedd.



Rwyf hefyd ar hyn o bryd yn Gyfarwyddwr Ffiseg Feddygol a Pheirianneg Glinigol ym Mwrdd Iechyd Prifysgol Caerdydd a'r Fro, ac yn arweinydd Ymchwil a Datblygu ein Bwrdd Clinigol. Fy rôl yn Cedar yw arwain, rhoi cymeradwyaeth uwch i adroddiadau prosiect, a rhyfeddu at alluoedd y tîm.

### Pa 3 gair fydddech chi'n eu defnyddio i ddisgrifio Cedar?

Galluog, amlbwrpas, hyblyg

### Dywedwch wrthym am rywbeth yr ydych yn arbennig o falch ohono.

Rwyf wedi bod yn falch o holl waith Cedar yn ystod y ddwy flynedd ddiwethaf, ond mae'r rheini'n gyflawniadau'r tîm. Yn fy ngyrfa rwyf fwyaf balch o waith yn cyd-greu dyfais o'r enw Huntleigh WoundExpress, gan ei fod bellach yn darparu budd gwirioneddol i gleifion â chlwyfau cronig.

### Dewiswch archbwer.

Arafu amser, fel y gallwn aros ar ben e-byst.

### Beth sy'n ffaith amdanoch chi y byddai pobl yn synnu ohoni?

Cefais fy nghadw'n effro drwy'r nos unwaith gan yr Amish.

## Arddangosfa Ffrwd Gwaith - YMCHWIL

**Mae Arweinydd Ymchwil Cedar, Dr Judith White, yn trafod ein gwaith ymchwil:** Mae gan Cedar ystod eang o arbenigedd mewn ymchwil ansoddol a meintiol. Rydym wedi ymrwmo i weithio gyda chlinigwyr, academyddion, a diwydiant i ddatblygu cynigion ymchwil. Rydym yn ymgymryd ag astudiaethau aml-ganolfan mawr yn ogystal â gwaith peilot llai. Rydym yn falch o'n henw da am helpu timau gofal iechyd i dyfu eu syniadau ymchwil. Mae Cedar yn cyflawni amrywiaeth o swyddogaethau prawf gan gynnwys dylunio protocol, ceisiadau grant, ystyriaethau rheoleiddio, rheoli treialon, dadansoddi ac adrodd canlyniadau.



I siarad â'r tîm am eich prosiect, cysylltwch â ni neu llenwch ein

[Ffurflen Gais am Gefnogaeth](#)